



I N I

Lectori cordatissimo
salutem.

Qui de re metallicâ posteritatis memoriæ non nihil consecrarunt, sanè habentur pauci; & pauciores, qui metalla argentaria speciatim pertractarunt. Ex amborum genere meritò antesignanus est *D. Georgius Agricola*, olim in metalliferâ *Valle Joachimi* Medicus. Is enim, cum primò harum rerum fuerit ἀυτόπτης, postea verò Serenissimorum Saxonix Electorum Ducumque stipendiò allectus, certè eruditionem pariter atque experientiam in libris, quos de ortu & causis subterraneorum, de naturâ fossilium, de veteribus & novis metallis & imprimis de re metallicâ scripsit, superiori ævo multis adprobavit. Cum hoc de metallurgiâ meritissimo virò, ob eandem rerum metallicarum peritiam ac singularem in iis describendis eloquentiam comparari potest, quem præterea eadem *Vallis* adæquat ipsi, *B. Johannes Matheſius*, quippe qui, Theologus licet, de ortu tamen & causis metallorum, deque singulis eorum speciebus & mineralibus mirifice ad palatum τῶν μεταλλοσόφων dixit ac scripsit in *Sareptâ Sca*. Sed qui antea, vel post illos, ex professo de metallurgia argentariâ Misnix seu Hermundurorum quicquam sit commentatus, neminem ego quidem novi, qui uti par foret, id præstitisset. *Petrus Albinus*, Nivemontius, historicus Saxonicus equidem Chronica metallica à rebus Misnicis inscripsit, inque lucem emisit publicam; sed nihil minus quam Misnicam metallurgiam in iisdem videtur attigisse; cum præter nomina quarundam civitatum ac vicorum, vix quicquam aliud recensuerit de re metallica. Sicuti autem hujus gratiâ rei mihi ipsi aliquando animus fuit, Chronica ejusmodi Hermundurorum metallica pertexere, & circa singula metalla & op-
A 2 pida